

Lo papâi ein galé vîlyo leingâdzo dâo Dzorot

Hivè 2013-2014



Lo Conteú

La revegnà d'on trequâodon.

Dèvesein de fita .

Lè Bâlois, âo prévond dâi z'Allemagne, l'ant Carmintran. Lè Dzenevois èmèlûvant la mermita à l'Escalade. Lè Dzozzet fant tî lè z'an grô fredon à la Bènechon et lè Vaudois de noûtron bî Lavaux aloyant tî lè 25 an onna fita dâi Vegnolan de ne sein la parâire.

Ora, ditè-mè : que reste-te âi Vaudois que demâorant à bise et clliâosique dâo Djurà po lâo z'èbaloyî ? Pu vo lo dere :

la Fâire âi Senaille.

Sè tin tsaque âoton à Romainmotî, pè vè lo 15 âo 18 d'otôbro, du 1998. L'è on crâno Vaudois de Djurien, Monsu Olivier Grandjean, que l'a z'u l'idé de reinmodâ 'nna fâire d'âoton quemeint dein lo vîlyo tein.

L'è à dere assebin que l'è collecchounéro de senaille et on tot fin coo po contâ on mouî d'affère su lè clliotse. L'a adan fé à criâ et cougnâitre pè campagne et velâdzo que tî clliâo que fougant, toulyant âo mitoûnant pedance et finna gotta de noûtron terriâo dussant venî po veindre et esposâ lâo martchandî.



Assebin clliâoque que fabrequant couè de senaille, toupin, potet, clliotse de bronzo, trabetset, bornî ein sapalla, marqu'à bûro et tavelyon. Et sant vegnu, de tî lè cârro !

Houitanta bouteque sant alegnâie su sti riban de la peinta amont dâo velâdzo de Romainmotî : martchand vedzet à chenaute et fenne accorte vo fant dâi pelyounâie et bonimeint po vo z'apindzounâ. Cein que veindant ? Fremâdzo, sâocesse âo tsenèvo, âiguasin de dzensanna,

cartè postâlè, vatserin, salami, clliotsettè, vin, quegnu, ponmè et cèptrà.

L'è à dere que sant dâi collecchounéro de clliotse que l'ant balyî lo breinlo de sta fita et ye sant âo reing d'honneu, fiè dè montrâ lâo ballè clliotse accrotchè pè grantiâo su lè pertse de sapalla plyemâie et assolidâie à la ramira de la cantena.

De vère tote stâo senaille bourdzûve et rovillieinte, cein vo dèpeyle lè dâi : faut cein oûre, faut cein breinnâ ! Lè boute sant einradzî po lè fére à sounâ, tant lè petit que lè grand.



Mîmo que ye lâi é yu on botasson de trâi z'an que l'avâi tsampâ on toupin po lo fére à bordounâ sè retrovâ betetiulâ pè lo reto de la groûla de fè !

Mâ, faut comptâ avoué sti carelyon dâi

tsaland que retchî tota la dzornâ tant qu'âo vépro yô vo z'ein îte vretâblyameint einseinaillî ! Lè dzein ? Vo z'ein vâide de tote lè sorte : famelye, dzouveno payîsan einmourdzî, armailli ein dzepon, damette ein talon, berdzî barbu, mégro, pipâre d'outre Sarna, pernette , dâo-trâi tsertse-gotta, payîsan à grôcha courtena, riond et bourdzu et pu, tot d'on coup, on grand estafié à chenaute, âi get asse nâi qu'on djitan et à long pâi de tîta dèso on grand bugne sombro. Tot sti mondo trâinasse, dèvese, pintolye et fâ onna bouâilâie quand reincontre dâi z'ami ; l'è adan grand tein d'allâ trâidècilâ à la cantena, sè repète et bâire à la santâ dâo payî !



Pè vè midzo, qu'è-te cein ? Du tot lyein on cheint dein l'âi

onna fresounâie dein la montagne, d'outre la fîta. Lè dzein sè câisant, tî lè get sant dardâ su la tserrâire d'amont. La breson einflye, devin onna zonnâie, pu brî, pu vacârmo et po finî tredon assordolyeint ! Ein grand dètertin de bronzo et de fè, lè z'armaille de La Breguetta piautant avau la tserrâire vè la pllianna et lè z'ètrâblyo. Quin concè! Quinna balla parârda ! Lo pétro vo z'ein trebelye !

Lè botiet et sapalet liettâ âi couârne dâi vatse fant tant qu'âo velâdzo onna longa reindjà de fliâo que grebolant et bazotant tî einseimblyo permi lè « Hè ! Hè ! » et lè bouâilâie dâi pâtro et lè z'à brè de lâo tsaton.



L'è la dèpoya dâo Djurà, l'adiû à la montagne dâi z'armailli, la fiertâ dâi paysan, et lo tsant de nôutra balla terra djurassienna.

Po l'an 2014, binvegnâite à la Fâire âi Senaille de Romainmotî que sarâ lè 10 , 11 et 12 d'otôbro.

Metsî dâo Moutset.

“Lo Conteu”

Coumechon de rédacchon:

Marlyse Lavanchy
Rte du Jorat 4
1073 Mollie-Margot
021 781 21 39

Marie-Louise Goumaz
Ch. Fleur de Lys 15D
1071 Chexbres
021 946 21 16

Pierre-Alain Poletti
Chemin de Ferreyres 7
1806 St-Légier-La Chiésaz
021 728 10 11
<pa.poletti@bluewin.ch>

Rédacchon et Administrachon:

Pierre Guex
Route du Jorat 86
1000 Lausanne 26
021 784 16 59
<pierre.guex@citycable.ch>

Réalisachon:

Atelier Espacegrafic
Chemin de Rovéréaz 25
1000 Lausanne 12
<atelier.espacegrafic@eben-hezer.ch>

Association Vaudoise des Amis du Patois (AVAP) :

Presideint:

Bernard Gloor
Avenue de Thienne 9
1350 Orbe
024 441 26 13
<bernard.gloor@bluewin.ch>

Bossî:

(vouïdo)

Segrètéro po lè verbà:

Michel Freymond
La Coudre
1388 Mont-la-Ville
021 864 52 01

Bibliothèca et vîlyo papâi (artsîvo):

Henri Niggeler
Passage du Clos d'Amont 2
1554 Sédeilles
026 658 02 67
<henri.niggeler@bluewin.ch>